

berinus *Tractitius* appellatus est.

#### ALEX. SEVERUS.

Anno ab Urbe condita *DCCCCLXXV*. huic successit in imperium *vigesimus quartus* ab Augusto *Aurelius* (88) *Severus Alexander*, ab exercitu *Cæsar*, à Senatu Augustus appellatus, juvenis admodum. Susceptoque adversus *Perfas* bello, *Xerxen* (89) eorum regem gloriosissimè vicit. Militarem disciplinam feverissimè rexit, quosdam tumultuantes legiones integras exauctoravit. Affessorem habuit, vel scriniorum magistrum, *Ulpianum* juris conditorem. (90) Cujus mater *Mammea Christiana* *Origenem* presbyterum audire curavit. Bonus quoque *Reip.* fuit, ærumnis sibi. Hujus temporibus *Taurinus* in Oriente Augustus, effectus ob timorem ipse se *Euphrate* fluvio abiecit. Tunc etiam *Julius Maximinus* apud *Gallias* regnum arripuit, pluribus de exercitu corruptis. *Alexander* verò cum deserti se ab stipatoriibus apud *Magontiam* vidisset, matrem sibi causam fuisse mortis exclamans, accurrente percussore, obvoluto capite, cervicem manibus valde compressas præbuit, anno vitæ *vigesimosexto*, imperii *decimotertio*, & die octavo. In *Mammeam* matrem suam unice pius fuit, & ob id omnibus amabilis. Hæc eò filium coegerat, ut & illa ipsa *permodica*, si mensæ, prandioque superessent, quamvis semesa alteri convivio reponerentur.

#### MAXIMINUS.

Post hunc (91) *Julius Maximinus* genere *Thrax* ad imperium accessit, *vigesimus quintus* ab Augusto, anno ab Urbe condita *DCCCCLXXXVIII*. Is primus ex corpore militari Imperator factus, sola militum voluntate, cum nulla Senatus intercessisset auctoritas, neque ipse Senator esset. Hic bello adversum *Germanos* feliciter gesto, (92) dum *pecuniosos* persequitur, *infantes* pariter, *noxiosque*, apud *Aquilejam* à *Pupieno* occisus est, deferentibus eum militibus suis, cum filio *Diadumeno* nomine, adhuc puero, cum quo imperaverat triennio, & paucis diebus, cunctis militari joco conclamantibus: Ex pessimo genere ne catulum habendum. Iste persequutionem in *Christianos* sextus à *Nerone* exercuit. Hujus imperio duo *Gordiani* pater, & filius principatum arripientes unus post unum interierunt.

#### GORDIANUS.

Deinde (93) *Gordianus* nepos *Gordiani* ex filio, *vigesimus sextus* ab Augusto Imperator creatus est, ortus *Romæ* clarissimo patre, qui consensu militum, cum *Proconsulatum* *Africæ* gereret, *Maximino* imperante fuit princeps (94) electus. Itaque cum *Romam* venisset, *Balbinas*, atque *Pupienus* (95) fratres interfecti sunt. *Gordianus* admodum puer, cum *Tranquillinam* *Romæ* duxisset uxorem, *Jani Gemini* portas aperuit, quas utrum post *Vespasianum*, & *Titum* apertas constet, neminem scripsisse memini. Et ad Orientem profectus *Parthis* bellum intulit, qui jam moliebantur erumpere. Quòd quidem mox feliciter gessit, præliisque ingentibus *Perfas* afflixit. Rediens haud longè à *Romanis* finibus apud *Cresiphontem* civitatem *Persidis* interfectus est,

(88) A. Aurelianus.

(89) Lamprid. *Artaxerxen*.

(90) A. conditorem. *Romæ* quoque favorabilis fuit. Perit in *Gallia* militari tumultu *XIII. imp. anno*, & die etc.

(91) His verbis incipit *Eutrop.*, & *P. Diaconus* lib. IX.

& A. noster, qui habet *Maximianus* ex consuetudine militari primus ad imp. accessit sola etc.

(92) A. gesto, cum à militibus Imp. esset appellatus, à *Pupieno* *Aquileje* occisus est, defœv. etc.

(93) A. Postea tres simul fuerunt *Augusti*, *Pupienus*, *Balbinus*, & *Gordianus*, duo superiores obscuro genere. *Gordianus* nobilis quippe, cujus pater *senior Gordianus* consensu etc.

A fraude *Philippi Præfecti prætorii*, qui post eum imperavit, accessus in seditionem militibus, anno vitæ *vigesimo*, imperii *sexto*. Miles ei tumultum *vigesimo* milliaro à *Circeso*, (96) quod castrum nunc *Romanorum* est, *Euphrati* immittens, ædificavit, *nomengue* loco dedit *Sepulcrum Gordiani*, exequias verò *Romam* revexit, ipsum divum appellavit. Hujus temporibus *Porphyrus Plotini* *Platonici* philosophi auditor *Romæ* habetur, *Theopompus* philosophus apud *Cberoniam*, & *Nicanor* *Sophista* apud *Athenas* pollebant.

#### PHILIPPUS.

Anno (97) ab Urbe condita *DCCCXCXVII*. *M. Julius Philippus* *vigesimus septimus* ab Augusto, unà cum filio *Cajo* (98) *Julio Saturnino* *Philippo* imperium invasi, atque exercitu incolunt redutò ad *Italiam*, ex *Syria* profecti sunt. Isti primi omnium Imperatorum *Christiani* *Romæ* facti sunt, & in die *Paschæ*, id est in ipsis vigiliis cum interesse voluissent, & communicare mysteriis, à *Fabiano* Episcopo *Romano* non prius est permissum, nisi confiteretur peccata sua, & inter penitentes staret, nec ullo modo copiam sibi *mysteriorum* futuram, nisi prius per penitentiam culpas, quæ de eo ferebantur plurimæ, diluisset. Fertur igitur libenter eum, quod à sacerdote sibi imperatum fuerat, suscepisse, divinum sibi inesse metum, & fidem religionis plenissimam, rebus, atque operibus comprobans. His tertio anno imperantibus, millesimus annus urbis *Romæ* ingenti ludorum apparatu, spectaculorumque celebratus est. Ambo deinde ab exercitu interfecti sunt. Senior *Philippus* *Veronæ*, medio capite supra ordines dentium præcisus, junior *Romæ*, postquam annos quinque imperaverunt, inter divos relati sunt. Ex quibus junior *Philippus* duodecim annorum interfectus est, qui adeo feveri, & tristic animi fuit, ut jam tunc à *quinquenni* ætate nullo prorsus commento cujusquam ad ridendum solvi poterit, patremque ludis secularibus petulantibus cachinnantem, quanquam adhuc tener, vultu averfato notaverit. Is *Philippus* humillimo ortus loco fuit, patre nobilissimo latronum ductore. (99)

#### DECIUS.

Anno ab Urbe condita *MIII*. *Decius* è *Pannonia* inferiore, *Bubaliæ* natus, *vigesimus octavus* ab Augusto, interfecto *Philippo*, imperium invasi. (100) Hic *septimus* post *Neronem* ad persequendos, interficiendosque *Christianos* feralia dispersit edicta, plurimosque *Sanctorum* ad coronas *Christi* de cruciatibus suis misit. Iste bellum civile, quod in *Gallia* motum fuerat, oppressit, *Decium* filium *Cæsarem* fecit. *Romæ* lavacrum ædificavit, (101) vir artibus, cunctisque virtutibus instructus, placidus, & communis domi, in armis promptissimus. Hujus temporibus, cum plurimi *Gothi* *Histrum* fluvium transmeassent *Romanorum* civitates devastantes, *Mæsam*, & *Nicopolim* capientes vastaverunt. *Decius* autem, unà cum filio illos bello aggressus, apud *Abrutum*, quæ locus *Foroterebronii* dicitur, triginta millibus *Barbarorum* interfectis, de suis plurimis perditis maxime *Thracibus*, ipse quoque eodem bello inter-

(94) A. fuisset electus.

(95) A. in palatio interfecti sunt, soli *Gordiano* imp. reservatum. *Gordianus* etc.

(96) A. *Circesio*.

(97) A. *Philippi* duo filii, ac pater, *Gordiano*, occisi imp. invasissent, atque exerc. etc.

(98) *Victor Gallo*.

(99) A. Post hoc *Decius* etc.

(100) A. sumpsit.

(101) A. ædificavit. Cum biennio ipse & filius ejus imperassent, interque in barbarico bello interfecti sunt, è quibus senior *Gurgite* etc.